



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

G. Aqvitani Episcopo.

**urn:nbn:de:hbz:466:1-20006**

cum forma fieri debeat subditorum, & ea facere quæ aliis prædicat facienda, illius sequens vestigia qui cœpit facere & docere, neque in dormitorio jacet cum aliis, neque in refectorio convivatur, torneamenta in partibus illis sine ipso non fiunt, studiosius seculari insitit militiæ quam cœlesti, cum scriptum sit, *Nemo militans Deo, implicat se negotiis secularibus*, & discreti debeant esse milites Christi à militibus seculi, per quos ad effusionem sanguinis pervenitur, & cum vix sine ipso illæ detestabiles nundinæ celebrentur, milites, quorum se ducem constituit & magistrum, secum trahit ad prandia, & de rebus Ecclesiæ causa inanis gloriæ eos facit splendide procurari. Idem etiam Abbas novem vel plures Ecclesiæ, quæ per rectores proprios confuerant gubernari, suis usibus immo abusibus applicavit, & eas ad extremam inanitionem deducens, neque ministros ibi constituit, nec prælatos, ita ut Ecclesiæ luminaribus & divinis officiis remanferint destitutæ, & eleemosynis pauperes defraudentur, & si vellemus singula persequi quæ adversus eum sunt nostris auribus intimata, & lectio rædium pareret, & pagina cresceret in immensum. Nolentes inquam facile quicquam credere, nec re incognita procedere ad vindictam, cum nobis non constiterit de præmissis, causam ipsam fraternitati tuæ, de cuius sinceritate indubitatam fiduciam obtinemus, duximus committendam, diffinitiva nobis sententia reservata; per apostolica scripta præcipiendo mandantes quatenus vel accedas ad locum, si vis deris expedire, vel vocatis ad præsentiam tuam quos videris evocандos, habito Dei timore præ oculis, sine personarum acceptance in cause cognitione procedas, & per claustrales & alios, quos auctoritate nostra remota appellatione compelli volumus ut perhibeant testimoniū veritati, de præmissis articulis & aliis quæ partes duxerint proponenda, plenissime studeas inquirere veritatem, & quicquid reprehensione inventeris dignum in capite vel in membris, in scriptum fideliter redigens, ad nos cures sub sigilli tui munimine destinare, in festo beati Andreae terminum assignans partibus, quo se nostro conspectui representent, sententiam recepture. Ilud autem attentè provideas, quod prædictus V. & hi qui adversus Abbatem

aliquid duxerint proponendum, nullius possint potentia impediri, sed eam securitatem te faciente obtineant, quam ordo judiciarius litigantibus exigit impendam. Si quid autem in præjudicium ipsius Willielmi & sociorum ejus, ex quo iter arripuit ad sedem apostolicam veniendi, inveneris attentatum, viribus carere decernas, in expensis legitimis eis faciens provideri. Nullis literis &c. harum tenore &c. Datum ut supra.

## G. AQVINATI EPISCOPO.

**C**ongruam officij nostri actionem exequimur, si pro Ecclesiarum statu impigo studio satagimus, vigilem curam & solitudinem adhibentes ne in earum præjudicium aliquid statuatur, & si qua deprehenduntur temerè attenta, falce moderaminis resecamus. Intelleximus sanè quod bona memoria R. prædecessor tuus partem decimarum ad mensam Episcopi pertinentem in beneficium Clericis quibusdam concessit; quedam etiam, cum ageret in extremis, tam in possessionibus quam in quibusdam proventibus aliis personis tam Clericis quam laicis, non servata pontificali maturitate, donavit. Volentes itaque indemnitatæ tuæ & Ecclesiæ tibi commissa pastorali diligentia provide, prædicta omnia, sicut illicite alienata esse constiterit, appellatione remota, legitime revocandi facultatem tibi auctoritate apostolica indulgemus. Datum Romæ apud sanctum Petrum &c. VIII. Kalend. Iulij.

## B. VVATIEN. EPISCOPO.

**C**um à nobis petitur &c. usque ad Epiſt. 191. verbum effectum. Ex parte siquidem tua nostris fuit auribus intimatum, quod cum Presbyteri tuæ diocesis nunquam ad synodum convenienter, tu, sicut vir discretus & providus, diligenter attendens quod quia nunquam exhortationem sui Episcopi audiebant, nec percipiebant correctionem suorum excessuum, in eis & eorum subditis apparabat morum nimia corruptela, & nimis existebant imperiti & rudes in regenda animarum cura, habito consilio venerabilis fratris nostri Iob. Metropolitani tui & Capituli Ecclesiæ tuæ, ut omnes Presbyteri & Prælati tuæ dioecesis annuatim in nativitate beatæ Virginis venirent ad tuam synodum, delibe-

Epiſt. 292.  
Ut à decollatore  
suo alienata &  
vendita refici-  
daetur.